



Isumaginninnermut Inatsisinillu Atuutsitsinnermut Naalakkersuisoqarfik  
Departement for Sociale Anliggender og Justitsområdet

7. november 2018

**Meeqqat Illersuisuata "Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. Xx, xx. xxx 2018-imeersup"-mut tunngatillugu tusarniaassutigineqarneranut akissuteqaataa.**

Ulloq 3. oktober 2018 Meeqqat Illersuisuata tiguaa tusarniaat uunga tunngasoq "Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. Xx, xx. xxx 2018-imeersup"

Siunnersuummut oqaaseqarnissaminut periarfissinneqarninni Meeqqat Illersuisuata qujassutigaa.

Meeqqat Illersuisuata siunnersuut nalilerpaa meeqqat inuusuttullu aallaavigalugit NP Meeqqat Pisinnaatitaaffii pillugit Isumaqtigiisummut tunngatillugu NP-allagaqaatit 3, 12, 20 aamma 25 aallavigalugit:

**NP-allagaqaat immik. 3: Meeqqap pisariaqartitaasa sallinneqarnissai**

*1. Meeqqanut tunngatillugu ulloq unnuarlu paaqqinniffinni pisortat namminerluunniit pigisat ingerlataanni aaqqiinerni tamani inuuniarnikkut atugarissaartitsinissaq, eqqartuussivinni, ingerlatsivinni tamani, inatsisiliorfinnilu tamani, meeqqap pisariaqartitai sallinneqartassapput.*

*2. Naalagaaffiit Peqataatitaqartut akisussaaffigalugu qulakkeerniartussaavaat meeqqap illersorneqarnissaa tungiorneqarnissaalu, ulluinnarni ingerlalluarnissaa qulakkeerniarlugu pisinnaatitaaffiit pisussaaffiillu naapertorlugit meeqqap angajoqqaavinut, akisussaasuvinut, isumaginnittuinnuunniit inatsisitigut meeqqamut akisussaasuusunut tamakkua eqqumaffigalugit inatsisitigut naapertuuttumik allaffissornikkullu qanoq iliornissamut piareersaatit naapertuuttut aallaavigalugit aalajangiisoqartarnissaa.*

*3. Paaqqinnittarfiit, sullissisut, ingerlatsiviillu tunguineramik akisussaaffeqartut imaluunniit meeqqanik illersugaqartut nalinginnaasumik aalajangersakkat malillugit ingerlatsinissaat, pitsaassusilimmik pisortanit aalajangersagaasimasunik, ingammillu isumannaatsumik, peqqinnartumik, sulisut amerlassusaannik piukkunnassusaannillu aammalu piginnaaneqarluartunit nakkutiginnittoqarnissaa Naalagaaffiit peqataatitaartut qulakkiigassaraat.*



### **NP-allagaqaat immik. 12: Meeqqap peqataatinneqarnissamut tusaaneqarnissamullu**

#### **pisinnaatitaaffeqarnera**

- 1. Nalagaaffiit peqataatitaqartut qulakkiigassaraat meeqqap nammineq isummaminik anitsinissaa, kiffaangissuseqartumillu isummaminik sunut tamanut meeqqamut attuumassuteqartunut tunngatillugu; annissinnaanissaa, meeqqap isumai ukiuanut perungassusaanullu naapertuuttumik oqimaalutarneqartassapput.*
- 2. Pisortaqaarfinni eqqartuussisussaasuni imaluunniit sulianik ingerlatsiviusuni meeqqamut tunngasuni meeraq isummernissaminut periarfissinneqartuaannassaaq, toqqaannartumik peqataatitaanermigut imaluunniit sinniisuutitaasup nunami inatsisitigut ingerlatsinermi peruserineqartut malillugit ingerlatsineratigut.*

### **NP-allagaqaat immik. 20: Meeqqat inissinneqarsimasut pisinnaatitaaffii**

- 1. Meeraq, utaqqiisaasumik ataavartumilluunniit ilaqtaminik avatangiiseqartinneqanngitsoq imaluunniit meeqqamut pitsaanagerusussaq anguniarlugu avatangiisiminiitinneqarsinnaanngitsoq, illersorneqarnissaminut naalagaaffimillu ikiorserneqarnissaminut pisinnaatitaaffeqarpoq.*
- 2. Nalagaaffiit peqataatitaqartut nunatut pisussaaffitsik malillugu meeqqamut taamatut atugaqartumut immikkut tungiorneqarnissaanut qulakkeerinnissallutik pisussaaffeqarput.*
- 3. Tungiorneqarneq pisinnaavoq assersuutigalugu angajoqqaarsiaqartitsinikkut, islamip pisinnaatitaaffiat malillugu Kafalah, meeravissianngortitaalluni pisariaqarpallu ulloq unnuarlulooq paaqqinnittarfimmut inissinneqassalluni. Aaqqiissutaasinnaasunik eqqarsaatersuuteqarnermi meeqqap peroriartorneranut atasumik meeqqallu kingoqqiffimmisut kinaassusaanut, upperisaanut, kulturianut oqaatsitigullu tunuliaqutaanut naapertuuttumik aaqqiinissaq eqqarsaatigineqartassaaq.*

### **NP-allagaqaat immikk. 25: Pisortat ataavartumik naafferartumillu meeqqap inissinneqarfianik nakkutiginninnissaat**

*Naalagaaffiit peqataatitaqartut ataqqillugu akuerissavaat meeqqap pisinnaatitaaffigigaa, pisortanit paarisassanngortinneqarsimatilluni, illersugassanngortinneqarsimatilluni imaluunniit timikkut tarnikkullu peqqinnissamut suliarineqartilluni, naaffeqartumik ataavartumillu qanoq pineqarnersoq misissugarisassallugu, sutigullu tamatigut inissinneqarnerminut tunngasunut tamanut aattuumassuteqartunut misissuiffigineqartassalluni.*

Meeqqat Illersuisuata tusarniaatigineqartumut akissuteqaataanut uku aallaavigineqarput.

- Allanguutissatut siunnersuummi meeqqap immikkut ineqarnissaanut piunasaqaataasooq atuutsinneqartassanngitsoq, perorsaanermut tunngatillugu, meeqqat ataasiakkaat, uani qatanngutigii ineqatigiinnissaat eqqarsaatigineqartillugu(\$7), taamaattoqarnissaa Meeqqat



Illersuisuata ajortussaqaartinngimmagu.

Matumani apeqqu pingaaruteqartoq **tassajuannarpoq** pinerit tamaasa ataasiakkaarlugit naliliiffigineqartassammata. Assersuutigalugu meeraqarpoq kisimik sininnissaminut ersisartunik, aappaatigulli aamma inissiinermi meeraqarsinnaasarpoq meeqqat ima sakkortutigisumik aqqusaagaqarsimasarlutik allaat ineqatiminnik akornguserneqarnissartik ajornartorsiutigisarlugu. Meeqqat Illersuisuata taamaattumik innersuussutigissavaa siunnersuummut ilanngunneqassasoq NP Meeqqat Pisinnaatitaaffiini allagaqaat immikkoortoq 12, meeqqap peqataatinneqarnissaanut tusaaneqarnissaanullu tunngasoq.

Meeqqat Illersuisuata maluginiarpaa §7 immikkoortoq 12-mi soorunalimi meeraq 12-it sinnerlugit ukioqaruni isummertussaasoq, ilanngunneqartariaqarporli meeqqat 12-it inorlugit ukiullit tusarniarneqartassasut isummernerallu suliamut allattorsimaffiannut allanneqartassasut. Aammattaaq pingaaruteqarpoq meeqqap sinniisuata meeraq peqatigalugu oqaloqatiginnittup, meeqqamik ilisarissimanninnissaa meeqqallu pisariaqartitaanik ilisimanninnissaa.

- Allanguutissatut siunnersuutip kingunerisaanik init aqqissornissaannut piomasaaqatit ulloq unnuarlu paaqqinnittarfinnit eqqortinneqanngippata Isumaginninnermut Aqutsisoqarfiup utaqqiisaasumik akuerisariaqassavai, illut atorneqartut sananeqaataasa allanngortinneqarnissaannut piviusunngortitsinissaq ajornartorsiutigineqarpat (§7), taava piviusunngortitsinissaannut patsisaasut suunersut Meeqqat Illersuisuata tusarusuppai. Immikkut pineqarnerup kingunerisinnaavaa meeqqat isumaasa tusaaniarneqannginnerat NP-allagaqaat immik. 12-mi allassimasut aallavigalugit. Taamaattumik meeqqap pappiliartaani allassimasariaqarpoq meeqqap piomasai §7 immikkoortoq 1,3 aammalu 5-6-mut naapertuuttut.
- Meeqqat Illersuisuata aamma siunnersuummi tupigusuutigai immikkut akuersissuteqarnissamut periarfissiisoqarmat immikkullu akuersissutit allaat ukiut pingasut tikillugit sivilissuseqartassammata (pineqartumi §§17 aammalu 32).

Siunnersuummi immikkoortoq siulleq Meeqqat Illersuisuata akuersaassavaa oqaaseqaatigineqartut ilanngunneqassappata. Meeqqat Illersuisuata siunnersuutigineqartut sinneri akuersaanngilai, immikkut ittunik akuersissutinik sivitsuisoqarsinnaanerisigut inissiiffigisat sanaartukkatigut unaminartorsiutaat aaqinneqarnaviannngimmata.

Tunngavigineqartut:

- NP-allagaqaat immikk. 3-p imarai, *meeqqamut tunngatillugu aaqqiinerni tamani, pisortanit, inuuniarnikkut atugarissaarnissaq anguniarlugu namminersortunit ingerlanneqartunit tamani,*



Meeqqat tamarmik naleqarput

Alle børn er værdifulde

All children are valuable

*eqqartuussivinnit, allaffissorfiusuni tamani, inatsiliorfinnilu tamani meeqqamut pitsaanerususaaq sallinneqartartussaavoq.*

Meeqqat innarleruminartutut inissisimasarput. Meeqqallu inissinneqarsimasut suli immikkut sanngiinnerusumik inissisimasarput. NP Meeqqat Pisinnaatitaaffii pillugit Isumaqatigiissutaanni ingammik meeqqat taakkua immikkut illersorneqarnissaminut pisinnaatitaaffeqarput.

- Meeqqat angerlarsimaffiit avataannut inissinneqarsimasut tassaapput NP Meeqqanut Komité'ata Kalaallit Nunaannut assuarinnissutigisai 2017-mi ataavartumik misissuiffigineqarnermut tunngatillugu Kalaallit Nunaat Meeqqat Pisinnaatitaaffiinik eqqortitsinersoq misissuiffigineqarmat. Meeqqanut tunngasut ingerlanneqarneri annertuumik pimoorunneqartussaapput.
- Meeqqat Illersuisuata nunami angalanerata takussutissaqartippaa, inissiinissamut pisariaqartitsisut pineqartillugit kisitsisinik taartunik ulikkaartoq. Meeqqap pisariaqartitai, illersorneqarnissaa, peqataatitaanissarlu meeqqanut iliuuserineqartuni tamani ilanngunneqartariaqarput. Allamut inissiisarnermut tunngasut ungasinnerusumik pilersarusiornermut periusissiornermi ilaatinneqartariaqarput, taassumalu qaavatigut aningaasatigut iluamik pilersarusiortoqartariaqarpoq, qulaanilu taaneqartut ilanngunneqartariaqarlutik.

Asannittumik inuulluaqqusillunga

Med kærlig hilsen

Aviåja Egede Lynge

Meeqqat Illersuisuat

Børnetalsmand

[avi@mio.gl](mailto:avi@mio.gl)

Tlf.: 531274